

世界政治舞台上活躍之群雄！

斯塔林



包爾溫



希特勒



莫索里尼



日本早稻田大學
政治經濟學士

楊劍青編譯

列強人物誌

政治

新社會學堂資料室

資料整理番號

100
101
102
103
104
105
106
107
108
109
110

序(一)

林耕宇

夫一國之興盛，必有非常傑出不可一世之才，勵精圖治，堅苦卓絕，負旋乾轉坤之望，樹扶危定亂之猷，乃能安輯民生，鞏固疆圉，措國家於磐石之安，且共推爲盟主，非偶然也。曠觀海外諸國，各自爭雄，不乏傑出之才，其言論丰采，及行誼策略，英偉特達，迥異庸流，皆可借鏡爲天下法。余忝承辦理亞洲民報，倩楊君劍青於日文中，譯述現代諸人物，如英國包爾溫之大度，麥克唐納之卓識，艾登之機警，德國希特勒之英武，李賓特羅甫之倜儻，克林姆之驍悍，義國墨索里尼之雄俊，俄國斯塔林之策畫，李維諾夫之靈敏，法國勃魯姆之技智，美國羅斯福之寬仁，土耳其凱末爾之戰略，及其他諸人物各有特長，記錄頗爲詳備，我國朝野上下，亟宜倣效，奉爲圭臬，以自振拔。既布之報章公於世，迺集成帙囑爲弁言，余因之有感焉，夫國家之積弱，不患兵革不足，府庫不充，而患無奇特之人物，以振興之，則永劫而不可復。吾國鼎革以還，昏庸在位，藉時令之變遷，擢爲己功，驕縱貪黷，恣意所至，於國計民生，漠不關心，危在眉睫，視若無睹，禍生肘腋，莫或預防，以視燭照幾先，獨具遠識，憂勤惕厲，沉毅猛省，匱乎其不可及，安望制治於未亂，保邦家於未危，縱有堅甲利兵，徒以資敵，積倉裹糧，適以飽寇，上無統馭之術，下無紀律之師，泄泄沓沓，委靡阿隨，國欲不亡，不可得也。讀楊君是編，余不禁俯首椎心而不能自己歎。

中華民國二十五年十月五日

序(二)

管翼賢

楊劍青先生學貫中西，胸儲經緯，發言則縱橫六合，下筆則馳騁八荒，故能幟標藝林，譽騰人海，余與先生自在天津益世報共事以還，相交歷十餘年，極欽慕先生之才華，而先生亦謬採虛聲深喜余之爲人，謂可與談天下事，以故過從甚歡，

近者先生出所譯述列強人物誌著稿見示，謂已付剞劂，行將葺工，吾兩人沅澱契合，彼此相知，願句子一言，藉作鄙文問世之先導，誼不容辭，因受而讀之，見其對於今日各國之所謂名流碩彥，堪稱一世之雄者，皆將其各個人之一生歷史，無不眉列目析，如數家珍，而筆力之簡潔，文氣之鬱鍊，猶其餘事也，余益歎先生高掌遠躡之識，與閨中肆外之才，確非一般鶩皮毛，拋實際之謬譯家，所可同日語，閱是書者，可作參考資料讀，可作借鏡對照看，勿視爲無關輕重之卮言，斯爲得矣，

抑更有進者，余學同蹄涔，識等孔末，深愧於是書之聲價，不能有所增益，然念先生負盛名久矣，余知此書一出，無異春雷發動，奇花綻葩，其熱烈歡迎，爭先快靚之情形，乃意料中事，余得附驥尾而名以顯，榮幸何如，爰欣然而爲之序，

自序

慨自國難嚴重，而內憂迭乘，舉國人心，遑遑無以自適，此種薄弱心理，苟無振拔，足爲國脈上致命之傷。昔魏叔子云，「世亂，八人之亂也，心亂，吾一人始亂之也」申言之，人於處變之時，當有鎮靜並自信心理，不應以世亂而自亂其心，良以「大我」者，「小我」所組成，心亂，則非止於一己，擴之即造成人人之亂也，若夫仁人志士，移風轉俗，心存社稷，尤當異於平庸。曩昔普法戰役，法雖小學生徒，處國破家亡之頃，泰然終其「最後一課」之課堂，精神堅決，莫可搖撼，惟其然也，故數十年後，法蘭西民族，終能一雪戰敗之辱焉。夫吾國積弱之源，果安在哉，試淺釋之曰，由於無膽，膽之小，由於無氣，氣之餒，由於無志，舉國之人，苟能樹其不拔之志，雖前途險阻如何，了無畏懼，惟意志堅定者，方能爭最後之勝利，孟子所謂，「雖千萬人吾往矣」，人能具此浩然之氣，不二之志，靜則如山，動復似水，任何阻力，不足以奪大仁大勇大智者之心旌也。

披閱現代史乘，吾有慨夫列強傑出之人才，或爲學術，或則助功，試逐一夷考成功之途徑，靡不志定而氣充，膽壯而識遠，此即宏毅之謂矣；惟宏，所以任重，惟毅，所以致遠，古今

中外，舉凡英豪俊傑，無不以「生不徒生，死不徒死」之觀念，以成其不世之功勳者矣。當茲國難嚴重之秋，思有以勵吾民之志，養其氣，壯其膽，厚其力，以爲國家社稷用，此本書「列強人物誌」編譯者，聊抒芻蕘管見者也。

次則此冊得以問世，多承亞洲民報社長林耕宇先生，實報社長管翼賢先生，多方鼓勵，並加指導，書成，尤荷序言，高誼拳拳，彌深感激，謹誌謝意於此。

復次，付梓之頃，時承至友李天鈞，潘伯愚，蘇墨卿，魯志新，宋若狂諸君子，或予參考，或正訛誤，本書之成，與有勞焉，並此拜謝。

一九三六，十，廿，劍青自序於故都

目錄

序一

序二

自序

第一 英國

A 包爾溫.....一

B 麥克唐納.....八

C 艾登.....一

D 赫爾.....一七

E 西門.....一八

F 卡特費魯得.....二一

第二 德國

A 希特勒.....二五

B 李賓特羅甫.....三〇

C 克林姆.....三三

D 歐來得.....三六

	E	羅贊比庫	三七
	F	戈陪爾	三八
第三		義國	
	A	墨索里尼	三九
第四		俄國	
	A	斯塔林	四五
	B	李維諾夫	四九
第五		法國	
	A	勃魯姆	五二
	B	赫里歐	五三
第六		美國	
	A	羅斯福	五六
第七		土爾其	
	A	凱末耳	六一
第八		日本	
	A	廣田弘毅	六六

列強人物誌

第一 英國

A 首相包爾溫

1

凡稍具國際政局知識者，如以英國政界人物中，可稱爲典型的英吉利人者誰相詢？十人之中，必有九人答以「包爾溫」是也。因英吉利人之傳統觀念，其國民之常識，決與盲目突進之美利堅人，截然不同；英人之性格，素以穩健爲重，故今之英國首相包爾溫，尤對此「徐行慢進」之固有性格，更爲濃厚，雖於過去之英國首相中，亦難再覓與包爾溫之性格相等之人物。初晤包氏者，皆誤認彼爲一農村之富翁而已。英國民衆，皆呼包爾溫爲「*Head of High society*」(上流社會之純潔農人)。彼之態度神情，尤自彼之服裝上而觀察之，儼然老成持重之紳士焉。

包爾溫氏，乃富有「陽性」之人物，被絕與具有近代風之前首相麥克唐納完全不同；因其



一舉一動，皆具有古典派之風味，而爲「靜的人物」。彼恆偕一二護衛，散步倫敦街中，多未被人識出其爲首相包爾溫也。當一九二二年路易內閣崩潰時，波那組閣，彼即擔任財相要職，未久，波那首相因病辭職，包爾溫突行組閣，全英民衆，如水澆頭，異常驚訝，咸謂：「包爾溫者，何許人也」，無不以此交頭接耳，走相告焉，識之者則答謂：「包爾溫氏，乃一不肥不瘦中等身材之人也，樸實老誠之長者，更爲博愛主義之人物也。」或曰：「波那內閣之首相，實一典型之英國人也」。

2

回憶彼之過去經歷，曾有一幕趣劇，即彼之母校克姆布利茲大學，舉行畢業同學之懇親會時，出席者皆爲十年前之同班生，湯校長初晤包爾溫時，特別注視，旋即問曰：「看汝面目，異常熟識，末悉汝之姓名爲何？」答：「我卽包爾溫」。湯校長：「啊………不錯，汝卽包爾溫也，然汝今日所做何事？」當時包爾溫氏，聆此一語，不禁苦笑，答謂：「余任總理大臣」彼與湯校長相視而笑。

此外尙有一幕與上相似之趣劇，即英國某大公爵，招待國內外之重要人物時，包爾溫氏被邀赴會，及抵大公邸之門前，招待員未悉彼卽爲首相包爾溫，而包爾溫又無名刺，遂被拒

入，及招待員請示大公爵後，方悉確爲首相包爾溫，遂赴包爾溫面前，極力陳罪，而包爾溫竟一笑置之，其他相同之笑柄，不勝贅述。當彼拜命組閣之時，多數記者包圍之下，彼曾發表數語，即：「辱蒙諸君之祝賀，然於諸君子之前，余實有如顯微鏡下之微虫之感焉，頗覺窘甚」。

彼之不爲人所重視，已如上述，故彼任首相後，全英人民驚訝，亦屬當然之事理也。

或有人謂彼出人頭地，殊爲奇事；或有人謂彼之勝利，皆由常識豐富所得之碩果也。總之，彼於現年六十八歲之老境，乃能再任大英帝國之首相，曾三度負擔英之非常時內閣首相之要職，非無相當之理由，彼之成功秘訣，即其所欲作者，亦即英吉利人所欲作者，其一切行爲，均不失其典型的英吉利人之行爲也。

包爾溫於英國非常時下，實爲成功者最巧妙之人物也，假如彼於波那首相因病辭職以後，未能即時拜命組閣，則包爾溫將終生隱居偏僻之農村內，而消磨歲月於無聊之生活中，亦未可知。原來包爾溫於一九〇八年繼其嚴父之職務，充英國下院保守黨之一議員，當時之保守黨，陣容未固，政治勢力薄弱，歐洲大戰始畢，包爾溫已抱有脫離政界之決心，不意包爾

溫於一九二三年出任財相，未及一載，竟一躍而成爲大英帝國之首相，考其任職內閣之經驗，任財相前，僅在財部任書記官五年，及商務大臣一年而已。

包爾溫第一次組織保守黨內閣，未及一年，卽行崩潰。在一九二四年一月麥克唐納組成英國最初勞働黨內閣時，開始總選舉，保守黨欲一舉擊敗勞働黨而取得天下，然保守黨內部有多數黨員，均謂：「包爾溫乃二流政治家，頭腦遲鈍，如以彼爲首班，則保守黨必歸失敗」。可知反對包氏之空氣，瀰漫全黨，然包爾溫不動聲色，仍以隱忍待機之說，激勵黨員，並大聲疾呼曰：「諸君！信守本黨之大義，須向成功之目的，一路邁進！」此時包爾溫不特無消極之意，且愈積極，決將畢生之身心，獻給國家。自此經過九個月後，復有總選舉，保守黨終能擊敗勞働黨，而取得下院絕對多數之議席，包爾溫氏遂再拜命組成第二次內閣，所謂世界和平之羅迦諾公約，即在包爾溫首相時期，正式成立，由此外交上之成功，包爾溫內閣之基礎，愈爲穩固，但至一九二六年，全英國之礦夫，突然罷工，幾使包爾溫內閣陷於絕境，包爾溫首相以「神！予我等以和平！」之呼號，終能渡過危機，及一九二九年之總選舉時，復被麥克唐納之勞働黨所擊敗，於該年六月中，迫不得已，而內閣辭職。

自此又過二年，至一九三一年英國金本位發生動搖，麥克唐納內閣瓦解，包爾溫竟慨然以保守黨，勞働黨，及自由黨三派所成立之聯立內閣，屈尊入閣，而任樞相。以救濟麥克唐納首相之危局爲己任。然首相麥克唐納已被勞働黨除名，陷於孤立無援之地位，麥氏政策，在下院中已受擁有多數議員之保守黨所左右矣。故保守黨首領之包爾溫氏，在名義上任樞相，而事實上已執內閣之牛耳。當時之政治評論家，曾有：「聯立內閣」即「兩名首相內閣」之譏諷。

最後包爾溫終與麥克唐納，改造內閣，互相交換內閣位置，包爾溫任首相，麥克唐納任樞相，又組成名實相符之保守黨內閣。包爾溫今後仍將實行其「典型的英國人之英國主義」爲目的，然前途之多難，未可忽略，因歐洲非常時之難局，亦不知何時即將光臨，尙有賴於包爾溫努力奮鬥矣。

觀平前首相麥克唐納內閣時期，曾有軍縮會議及經濟會議之失敗，再有國聯制裁無力，德法交惡益彰，全歐政局混亂，及英國貿易不振，失業救濟失敗等重大事件，皆爲麥克唐納失信於民之表現，包爾溫雖以援助勞働黨內閣之名義入閣，並於事實上，成立包爾溫內閣，

復假內閣改造之口實，鞏固陣容，然上述一切嚴重問題，仍賴包爾溫以出奇制勝之努力，方能打破危機，惟目前歐洲政局，恰如行將爆發之火山，其緊張情形更如大戰之前夕，而處於歐洲各國之指導地位之英國政府，將以如何之策略而應付之，且英國僅與歐洲大陸一輩之隔，如將今之歐洲生死關頭，視同對岸觀火，已勢不可能矣。

6

包爾溫目前負有非常時英國之重責，並欲實現其擁護自由與和平之主張，彼對於處在國社黨、法西斯，及共產主義等暴力下之歐洲，認爲一切自由平等法則，已被蹂躪，所謂歐洲黑暗時代，重將實現矣。其見解雖已如是，然並不因此悲觀，彼感於各國之軍備競爭，曾曰：「余非時常住於神經病院者乎？實有所感焉！」彼又以「英國國防在來因左岸」之口號，而欲實現其國防線擴大之主張，聖西耳對此竟謂：「若以萊因爲英國之國防線，實殊荒唐無稽之論調」，表示不滿。包爾溫則駁斥之，曰：「余之見解，毫無半點虛僞」。由是英國對於德國之空軍擴張，則斷然採取對抗之決心，並右手執其和平之招牌，而左手揮其銳利之刀劍，十足表現老奸巨滑之英國面目矣。但彼對於擁有多數轟炸機之空軍，中述不能認爲此即安全之空防，曾高唱廢棄全部轟炸機之主張。

原來英國之外交，向以「冰人」之責爲己任，更自居「和事老」之地位，不辭調解糾紛之勞苦，結果，冀得漁人之利益，自始至終，確保利己主義。當拿破倫席捲全歐，及德國凱撒大帝欲稱霸全球之時，英皆以聯合各國之軍力，先後擊破，及至今日，對於德國廢約，恢復武裝，不特未加反對，並予以同情。最近包爾溫又策劃英美之提攜，此亦麥克唐納內之主張，在前雖一度因戰債問題及海軍問題，英美形成對立之勢，未久，英與世界唯一富庶國家之美國，再行握手。由是可知英國唯利是圖。如最近包爾溫發表之談話，即：「予就政治責任有所言明，美國之向背尙未明瞭之前，然可確言者，英國海軍，對於任何一國，均不負軍事封鎖之重責」，讀此數語，則知最近傳佈「英美對日共同戰線」之流言，事屬無稽，當可明瞭，故英國長久之計，與美接近，不待言矣。而英之對日態度，亦未如傳言之甚，因保守黨素抱親日政策，去年八月包爾溫在英下院中，曾有以下之答辯：「關於東北及中國問題有與日本政府諒解之必要，惟其具體工作，尙在考慮中」，由此證明，英對日之友誼關係，仍有一絲牽連，然華盛頓會議時，英爲「利己主義」計，與美提攜，棄英日同盟條約幾如敝履，故日人深對英國不滿，將永久弗能忘焉。

B 樞相麥克唐那

麥克唐納，乃世界政治舞台上最享盛名之一角色也，世界各國關於麥克唐納所著之書籍汗牛充棟。查其幼年生活，極其艱難，每日生活雖一片麵包之微，均不可得，彼能獲有今日之成功，皆其賢內助之賜也。及其創立勞働黨之政治苦心，其畢生之經過，多可歌可泣之事，爲世人所盡知者也，故不贅言，惟今日麥克唐納之政治地位及其事蹟，頗值一述。

麥克唐納今日任樞相職，實微妙已極，較諸往日情形，寔不相同，且英國樞相一職，如據英國政治史上所記述者，加以考察，則知爲政治家之隱踪遁跡之地位也。偶一回顧一九一四年全英主戰狂之際，麥克唐納竟敢單獨高唱非戰主義，以與全國民衆相周旋，其昔日之英姿凜然，較諸今日之心情，誠不勝有隔世之感焉。

日月如流，時境變遷，生龍活虎之麥克唐納，屈居樞相，如處針氈，兼因眼疾未愈，退居林下之心，更爲堅決矣。且麥克唐納目前處境，甚難活動，故東山再起之希望，實非易舉，歸隱田園，此其時也。惟以英國內閣現狀而觀察，其欲脫離內閣關係，勢不可能，如麥氏辭却樞相以後，則所謂聯立內閣，又名實不符矣。且包爾溫之處境，亦不欲失此良伴，因麥

克唐納之遠大經綸及實際知識，皆爲包爾溫不可稍離之指導者也。今委麥氏以閑散無事之樞相一職，包爾溫則可隨時前往求教，受益匪淺也。

再者麥克唐納第二公子馬魯可姆，年方三十，乃英國少壯之政治家，經包爾溫之賞識，予以植民大臣之要職，考英國政治史上，父子入閣，從所未有者也。此外，麥克唐納所最喜悅之艾登，亦經包爾溫之拔擢，委以外交大臣，由此可知，包爾溫對於麥克唐納之體貼，已無微不至矣。

回憶保守黨與勞働黨競選之時，包爾溫與麥克唐納，分居兩黨首要，形同水火，以爭天下，而時變日遷，於不知不覺之中，相互妥協，化敵爲友，因是倫敦盛傳包爾溫之次子將與麥克唐納之愛女，締結良緣，一時成爲英政界中之佳話。

當一九三一年金磅下落，政變爆發，同時保守黨獲得英憲政史上空前勝利，在下院中，佔有四六九議席，包爾溫乘戰勝之餘威，率其凱旋之衆，衝進內閣，僅以樞相之地位，而能左右國政大計，當時首相麥克唐納僅持其少數議席之政黨，何敢與之比權量力，經時未久，包麥二氏，攜手邁進，且肝膽相照，如以前後情形相較，幾疑黃梁一夢也。

今之麥克唐納，雖任樞相，凡遇有重大問題發生，包爾溫即趨前懇談，麥氏一言，如千金重，因彼曾三任內閣首相，經驗之深，儼如日本元老西園寺公所處之地位，謂爲今日英國政界碩果僅存之人物。亦非過言，彼與路易喬治均爲英國政界中稀有之巨星，因英政界人物多出身於貴族之家，惟路易喬治與麥克唐納二人，出身微賤，竟得今日之成功，皆苦讀立志所得之結果也。

路易喬治，自幼失其父母，即生長於開設鞋店生意之叔父家中，此事爲世人所盡知者，而麥克唐納又爲海蘭車站脚夫之子，兩人情形，幾無差別，且才幹相等，麥克唐納之雄辯，莊重熱烈，而路易喬治之演說，微妙動聽，每於議會場中，兩君舌戰，異常激昂，滔滔不絕，真如龍搏虎鬥，全場議員，均爲感動。惟二人之個性，稍有不同，麥克唐納，乃一偉大人格者，而路易喬治，善察環境，實爲一機會主義者，如此評論，是英政界所公認者，捨此一點，其他相同之處甚多，不再贅述。

麥克唐納初次組成勞働黨內閣時期，曾有「麥克唐納賣爵」之流言，因當時最富豪之餅乾大王，以最新式汽車一輛，及某公司三萬股之股票，贈與麥氏，而麥氏旋以「準男爵」授與

該餅乾大王，由是謠傳突起，考其真像，麥氏實與該人爲竹馬之友，因當時兩人情形，完全不同，一爲擁有百萬磅之富家，一爲貴極人臣之貧乏政治家，雖一輛汽車之微，而身任首相之麥克唐納，亦無購備之力也，兩人之間，因友愛彌篤，遂有贈車之事，再授爵原因，乃餅乾大王素好公益，平生捐款，不可數計，尤以捐資英國立圖書館一項，其金額之巨，頗足驚人，故授爵之事，亦屬當然，未經解釋，賈爵之說，自趨消滅矣。

路易喬治，功績偉勳，不遑枚舉，然其處境，即如孤城落日，合者寡焉，已有英雄末路之感。麥克唐納適與此相反，德重望厚，不失爲英國理想宰相，退居於後，英人多認爲憾事。

C 外相艾登

英國政界中，以少壯政治家得入內閣，尤爲內外人士所注意者，即艾登外相也。最初則任無任所大臣，鋒頭甚足，紅極一時，儼如英政局中大放光芒之巨星也。

艾登自三十餘歲即在外交界中活動，代表英國，出入國際舞台，縱橫捭闔，頗著隆譽，已被各國大政治家譽爲英國之第一流外交家。前內閣時任外交次官，與首相麥克唐納及外相西門，並駕齊驅，時有「三人外相」之稱，且其受人愛戴之熱烈情形，實過於當時之西門外

相。

艾登外相面目清秀，在今日歐洲外交界中，有美男子之稱，故社交界中，亦時有其踪跡，因其頭腦聰敏，氣量宏大，生於名門，可說毫無訾議者也，年僅三十八歲，前途發展，尤為遠大。其父塞屋利亞姆艾登，亦為政界宿星。彼自幼及長，均生育於美滿之環境中，非如麥克唐納政治命運之坎坷，而艾登之政治途徑，可謂一帆風順矣。

然愛好保守主義與傳統觀念之英民，竟能有此意氣冲天之青年政治家，實非偶然，回顧艾登少年時代，於牛津大學讀書時期，值大戰爆發，投筆從戎，編入英國義勇軍，前後五年，轉戰西部戰線砲火之下，幾度死處逃生，深知戰禍之慘，及停戰後，再入母校讀書，以最優之成績，取得文憑，走進社會，此時之艾登非僅是一青年，因五年中親睹戰爭悲劇，故其心胸，已充滿酷愛和平之熱情矣。一九二二年即入政途，年僅二十五歲，取得英下院之一議席，當時英下院中，突然發現如此年青俊秀之少壯議員，頗為老氣橫秋之議員為之側目，然彼頗知奮勉，專心研究遠東外交，屢經實地之考證，學識豐富，所謂「天不負有心人」者，未滿三載，艾登即被外交界所重視，一九二六年包爾溫內閣外相奧斯丁張伯倫氏，對彼尤

加賞識，委以外相秘書之職，其外交生活，自是始也。一九三一年聯立內閣成立，昇爲外交次官，一九三四年轉任掌璽大臣，一九三五年任無任所大臣，最後則轉任外相。

艾登未就任外相之前，因德國退出國際聯盟，宣告恢復軍備，國際形勢突變，西門外相即有更動之說，英國一般評論家，咸謂未來之外相，捨艾登外莫屬也，同時前外相張伯倫之呼聲亦高，最後結果，老練如西門及張伯倫者，均不及艾登爲國民所推戴也。然包爾溫首相，因處理印度法案事件，終將當時之印度大臣呼爾委爲外相，同時任命艾登爲無任所大臣，實則包爾溫之用意深遠，因對印關係，以呼爾主持外交爲適當，同時艾登以無任所之資格，辦理活動之外交，往來於日內瓦，巴黎及歐洲各大都市之間，進行聯絡外交，完成英國「二人外相」之陣容，實一萬全無失之策略也，此乃保守黨最得意之外交網。因艾登爲黨內之寵兒，現界以無任所大臣一職，較比自由，行動無阻，且智囊充足，應付裕如，故彼所負之外交，任重而負遠，確有過於外交大臣之職責也。

彼之無任所大臣，無非「國聯大臣」及「軍縮大臣」之變象名詞耳，因當時歐洲問題，異常混亂，百端待決，稍一不慎，則將發生嚴重之事實，故英國外交之第一戰線，捨艾登外，再

無一人而能勝任愉快者也。艾登任無任所大臣後，恒居國外，較留國內時間爲多，尤自希特勒發表再武裝之宣言以來，艾登即行離英，訪問柏林，惹起世界注意，自德轉赴巴黎，復與法義兩國代表晤談，俟後進行斯特來塞會議之準備工作，重返柏林，並同西門相會，而與希特勒又舉行一度協議，探詢德國真意所在，並無一日之休息，旋與西門分袂，獨自訪問莫斯科等地，曾與俄國之斯塔林，李維諾夫，及已故之波蘭大總統比魯斯等會見，徵求意見，艾登自離倫敦始，迄至歸國止，僅以兩星期之時間，先後所到之都市，計達三千八百英里之長途，平均每一小時，可行十一英里，由是證明，艾登之外交行動，敏捷極矣。彼歸國後，因勞過度，已由醫師提出警告，命彼須有半月之休養，方可無慮，彼雖於倉忙之中，所經過之都市，均獲有良好成績，斯特來塞會議之成功，實基於艾登之努力也。

艾登訪問俄國，不虛此行，竟能造成歐洲外交史上新紀錄，於其行前，俄即得悉英有派遣代表來訪莫斯科之計劃，遂首先表示，來使須由內閣大臣中物色一人，英方對此屢經審議，結果，一致公推艾登前往。考蘇俄聯邦成立後，艾登則爲英國使節第一人，及其行抵莫斯科時，曾受最盛大之歡迎，彼與斯塔林在克姆林宮中相會，後則與俄政府要人等，皆依次接

談，艾登態度，頗爲率直，俄方亦予好感，可謂相見以誠，肝膽相照，進行談判，雙方極其融洽，艾登訪俄目的，乃爲掃除英俄兩國之猜疑，關於歐洲一般情形，以期兩國意見接近，此行結果，已獲得意外之成功。

尤以莫斯科市民，對於英國第一次訪俄使節之艾登，抱有好奇之心理，故歡迎之熱烈，實屬空前盛況，全市飛揚歡迎旗幟，艾登經過之道路，皆奏英國國樂，全體市民，對此青年外交家之真摯態度，無不表示極端之好意，促成英俄兩國愈爲接近矣。

艾登於就任包爾溫內閣之無任所大臣前，亦有一度重大試驗，即受命前往義國首都羅馬之行，關於英德海軍協訂及亞西北尼亞問題，向墨索里尼傳達英方意向，要求墨氏同意，然事出意外，墨氏態度，異常不悅，艾登折衝結果，毫未奏效，返抵倫敦，並無所獲。實因亞比西尼亞問題，墨索里尼已具決心，對於英方所提之「共同保障」案，完全拒絕，艾登之忠告，視同秋風馬耳，義方放言，雖退出國際聯盟，亦所不惜，故艾登之外交工作，付諸東流，然決不可因此而謂艾登外交之失敗，其中原因，乃義大利之挑戰態度與英國協和主義，實如水火之不能相容也。

似此對立情形，瀰漫歐洲大陸全境之問題中心，集於國聯，代表英國之青年外交家，屢經鍛鍊，雖有此一度之失敗，吾人諒諒其苦衷，當知艾登外交真價值，亦由是始也。

艾登雖為保守黨之議員，惟其信仰理想主義及和平主義，頗具國聯之色彩，與前首相麥克唐納及前外相西門之性格，多有雷同之處，故老練圓滑且抱現實主義之包爾溫，初亦因此，竟使赫爾首先担任外相要職，艾登之和平天性，及其理想主義，曾亦一度影響其外交之發展也。

艾登去歲在佛魯哈市保守黨大會席上，曾發表演說如下，「歐洲現狀，極其多難，吾人決不因此消極，更不認為絕望，尤以英國之態度，仍須援助國際聯盟，努力前進，以期完成協調制度，惟英國所採之方針，對於任何國家，絕無反對態度，向來所持之友好關係，繼續不變，然不止於此也，非特反對破壞和平者，更以熱誠之努力，以向實際建設方向，邁進不息」。以上演說大意，視如英國政府之對外方針，未為不可，然其見諸實行，因與保守主義者見解稍異，故目前包爾溫首相之內閣，業已容納艾登之意見，僅有理想主義之半部，即包爾溫目前最得意之中道主義也。

D 前外相赫爾

前首相麥克唐納內閣，最初盛傳改造內閣之說，終於是年六月七日，英舉國一致內閣見諸實現，外相一職，當時掌樞大臣艾登呼聲最高，一般輿論，皆予贊助，不料當時印度大臣赫爾，竟於世人毫未注意中，安然取得外相之要職，誠予全英人士莫大衝動。

當其就任外相之時，正歐洲風雲緊張之秋，赫爾站於英外交第一防線，其對於國際外交之展開，誠予重大影響，彼與包爾溫首相相等，皆為保守黨之領袖，再者彼與包爾溫第一次及第二次內閣中，歷任航空大臣，及國民協力內閣時期復任印度大臣，處理當時極其困難之印度法案，對於敵黨之修正方案，用其巧妙之方法，施展操縱之手段，能於平靜無事中，了結一樁法案，其能抑止青年外交家艾登之活躍，而居外相要津，此亦為主要之一原因也。

赫爾生於一八八〇年，卒業於牛津大學，得政治學博士學位，一九一〇選為下院議員，一九二二年任航空大臣，迄至一九二九年，仍居內閣要職，彼初離學校時，對於航空事業，異常熱心，遂於一九二七年，參加英國最初飛往印度之民間飛行，完成空前成功，獲得政府勳章，並寫成一部「飛往印度之空中記」名著。一九三一年榮任印度大臣，其後一路邁進，

終能一度位居英非常時之外相，至今仍被英人重視，彼於讀書時期，喜好運動，曾任網球選手，並為陸軍上校，彼對於國際問題，而與前外相西門所抱負之國聯萬能主義，略有不同。

E 前外相西門

曾以老獯外交著名之英國前外相西門，後任聯立內閣之內相，因彼在國際外交舞台上久享盛名，故本節仍以其前任外相之頭銜為題，以便易於瞭解。六十二年前，西門生於英國著名佛魯斯特附近溫泉場一牧師家中，庭訓肅嚴，及長，畢業於牛津大學，最初執行律師職務，每於出庭辯論時，頗能發揮其才幹能力，一九〇八年僅以廿五歲之年齡，即任司法界之重鎮，天性酷愛正義，尤對政治問題，深為關心。一九〇三年發生阿拉斯加國境事件，曾任英國之代表，及一九二六年拉佛拉特國境事件，仲裁委員會時，亦以英國代表之資格參加會議。彼於三十四歲時，即為自由黨之議員，頗形活躍於議會場中。西門之政治生活，尤為順利。故彼之政治閱歷甚深，與前外相勒丁庫卿更相彷彿，彼二人者，皆為法律家，復同屬自由黨之議員，西門曾任檢事次長，昇任檢事總長，得入內閣，麥克唐納之舉國一致內閣時期，兩度榮任外相要職，且西門較勒丁庫卿之年紀為輕，少壯有為，深具理解，抱定正義，邁往

精進，向不顧及個人私利，誠英國政客中一顆絢耀之巨星。

一九一五年五月，英國戰時協力內閣成立，彼遂脫離法官生活，轉入政治途徑，保持其下院議員之一席之地，終能實現其所抱負之理想，旋又取得內相之職，一九一六年，政府提出義務兵役法案，彼因尊重自由黨立場，堅決反對，遂即辭職，其後仍以其議員之立場，在下院議會中繼續反對，由此可知彼之個性及人格，實一真摯誠懇之政治家，然彼非止是一單純之理論家，乃頭腦清晰復有熱情之實行家也。

彼於四十四歲時，投入英國空軍，任航空少校，轉戰於法境戰線之中，自始至終，未離前方；大戰初止，退出政界，再入司法界，一九二二年重返下院，發揮熱辯，聲譽隆起，尤其一九二六年英國嚴重之「斯特來基」問題爆發，彼則高唱對於「斯特來基」之非法事件，應速採取彈壓政策，至今猶爲世人所記憶，當時彼非對此事件，如何憤怒，同時並不因此激怒他人，是故西門之外交天才已由此而證明矣。

一九二八年印度組閣委員會成立，該會委員長一職，關係重大，尤以公平中正之立場，必須完成印度政治組織之大業，亦即當時有名之西門委員會。彼曾前後兩次出巡印度，行程

共達二萬一千英里，經其實地調查結果，完成洋洋大篇之西門報告書，公諸社會，舉國傾服，遂即促成英印圓桌會議。一九三二年，印度獨立運動，逐漸盛行，聖雄甘地，提倡民族自決之說，企圖脫離英國之羈絆，然印度實爲英國經濟上之生命線，如果獨立，而予英國莫大打擊，當此時也，亟謀對策，最後決定英國唯一「印度通」之西門，出任艱鉅，折衝擲俎，以冀緩和緊張之局勢，然西門向對印度，毫無同情，彼仍採取保守態度，無異於其對「斯特萊基」之彈壓手段。

一九三一年麥克唐納舉國一致內閣改造之時，遠東之東北事變突起，勒丁庫卿外相之遠東外交，大受攻擊，西門東山再起，繼任外相，對於遠東，力求補救之策，結果，未奏奇效，措置失當，頰言嘖嘖，英國一代外交家西門外相，已呈疲敝之形色矣。

一九三三年，英國處於重大危機，前此外交從無如是之險象也，蓋當時之中日糾紛，所謂山海關事件，已引起國際十分注意，繼有禁止武器輸向遠東，國際經濟豫備會議，及軍縮會議等問題，因此造成英內閣意見衝突之焦點，荷英國之興亡於雙肩，且活躍國際政局中人物者，固爲英首相麥克唐納，然於暗中，運用冷靜之頭腦，發揮有力策略者，則又爲外相西

門。西門外相之盛譽，因國聯會議之媒介，而散佈於全人類之腦海中。

西門與李頓爵士，個性相同，皆為最老練之英國模範紳士，擅長於微細之法理論，自然因其冷靜性格所致也。李頓報告書發表後，西門則表示極端贊助，英國立場已陷於困境，援華則為日本所忌，援日則恐中國排英，故國聯開會時，始與法國呼應表面壓迫日本，內又牽制德國，秋波四佈，八面玲瓏，終不失其英國老獪外交之廬山真面目也。

前年六月，麥克唐納舉國一致內閣，失敗原因，不外乎國際外交措置未當耳。亦即西門外相所標榜之國際主義及自由主義，外華內虛，終不免現出馬脚，總之，西門外相在職之時，不幸值此英國多難之秋，國際糾紛，一波未平，一波又起，始終奔走東西各國之間，呼籲和平，去秋英國保守黨大勝，西門外相之前途，即感不安，尤以少壯外交家艾登之異軍突起，西門外交生命，終為新陳代謝之激流所摧毀矣。

F 卡特費魯得

第一次世界大戰，於一九一四年開始，戰爭延至第三年時，德國決心完成大規模之戰鬥艦隊，於一九一九年五月三十一日，先後組成第一第二第三主力艦隊，共有弩級戰艦六隻，

輕巡洋艦數十隻，驅逐艦八十隻，由德國海軍西耶魯中將率領，另以巡洋戰艦五隻，輕巡洋艦二十隻及雷艇隊組成偵察艦隊，由西耶魯中將率領，全體艦隊，自根據地之佛恩港出發，首由偵察艦隊領導前進，其後相隔四十海里，即為主力艦隊，連成一大長蛇陣容，威風凜凜，殺氣騰騰，直向丹麥西岸衝去，原該艦隊出發之目的，企圖打破英國所主持之對德經濟封鎖，拯救德國物質缺乏之危狀，同時英方得訊，不甘示弱，傾其全部艦隊，出航迎戰，艦隊實力，空前雄厚，其主力艦隊由基耶利克大將任司令官率領應戰，內有四個戰艦艦隊，及三個水雷艦隊，合成一大艦隊。其中共有弩級戰艦二十四隻，裝甲巡洋艦八隻，輕巡洋艦九隻，驅逐艦五十隻及特務艦多隻，另與比得中將所率之六個巡洋艦隊（其中含有四隻弩級戰艦，九隻巡洋戰艦十六隻驅逐艦，）共同行動，抵抗德艦。

五月三十一日午後二時許，英將比得所率巡洋艦隊在挪威南岸斯克拉庫峽海航行，其前衛輕巡洋艦隊，突在在丹麥鳩特蘭得半島西北端，距海岸一百里處，發現德國之先鋒巡洋艦隊，英前衛指揮官立向比得司令官報告，比得中將復急向主力艦隊基耶利克司令官報告，互相商榷結果，英遂變更既定之誘敵方針，最後決定遮斷德國艦隊之退路，於是英德兩大艦隊

開始激戰，造成歐戰中另外一頁之大海戰史。德艦隊業被英主力艦隊包圍，進退無路，迫不得已，決死應戰，相繼沈沒兩隻戰艦，英將比得，乘於旗艦，勇猛督戰，指揮全部戰鬥艦隊，圍攻愈猛，當時英方旗艦獅子號，實一名實相符之猛如雄獅之旗艦，該艦艦長，卽卡特費魯得上校，彼自歐戰開始，先後兩度參加海戰，今又以旗艦長之要職，參加空前英德之大海戰，雙方戰艦數百隻，勝負之爭，關係重大，故卡特費魯得頗費苦心，調度旗艦，左衝右突，頗爲適當，勇敢果決，名震全歐。戰後一年，拔任英國大艦隊司令官旗艦長及艦隊砲術參謀，一九二〇年昇爲少將，並任軍令部次長，一九二一年華盛頓海軍縮會議，卡特費魯得以英國代表部軍事專門委員之資格，參加該會，會議結果，大英帝國之海軍放棄素來海上優越主義，委曲求全，簽訂英美平等之海約，當時卡特費魯得對於日本代表加藤寬治，曰：「此項海約，吾人並不悲觀，觀乎英國過去之歷史，屢逢不幸，然皆未愈百年，即可返元，似此不能滿意之條約，我等子孫，必將予以取消」。

卡特費魯得，確爲海戰名將及海會名人，負荷英國海軍之重大使命，奮鬥而不息，實爲英國果敢聰敏之海軍人物也。其於華盛頓軍縮會議時，對於條約內容，極端不滿，後因會議

決定主力艦最大噸數，竟縮小爲三萬五千噸，彼則憤慨萬狀，孑然返國，頗引起各海軍國家之代表所注意。

一九二二年，榮任英國軍令部次長，一九二三年任英第三艦隊司令官，一九二五年至一九二八年間，任英艦政本部長。於一九二六年進爲中將級，一九三〇年轉任大西洋艦隊司令官，昇爲海軍大將，一九三二年轉任地中海艦隊司令官，一九三三年一月榮任軍令部長，及至今日仍任此項海軍要職，即英海軍大元帥也。

倫敦軍縮會議之預備會時，彼與首相麥克唐納、外相西門、及海相蒙西爾、代表英國出席海會，彼因有華盛頓會議之實際經驗，故於事前先與日本代表山本五十六中將及美國代表斯塔都大將屢有會商，深予世人一種新的印象。

現代英國海軍最高人物卡特費魯得元帥，生於一八七三年九月二十日，彼爲已故基耶卡特費魯得海軍大將之子，一八八六年彼方十三歲時，即入海軍，居於波里大尼克軍艦，從事海上生活，故彼實爲純粹海軍出身之人物，一九〇九年進級上校，與名閨瑪西斯結婚，已生有一子二女也。

第二 德國

A 總統希特勒

今日歐洲問題之中心，即為德國，而實際握有歐洲和平與戰爭之關鍵者，實為德國大總統希特勒。世界大戰中，彼親臨西部戰線，為德意志民族苦戰數載，曾一度被瓦斯所傷，收容於野戰病院內，呻吟病榻之上，當時希特勒之心境，異常痛楚，不特咀咒戰爭，抗敵復仇之心亦愈堅，每一思及德國民族之危機輾轉不昧，其如火如荼之情緒，幾使垂危之希氏發狂，滿腔熱誠，決心報國，復興德意志民族之壯志，此時已不可奪矣。

希特勒目睹德國戰敗之慘狀、內外環境，每況愈下，其對「戰爭」之觀感，亦因是轉變矣。彼謂「戰爭」乃人類生活之基礎，故希特勒有今日之驚人活動，實據此觀感而發軔，換言之，亦自其抱定將為德國民族奮鬥之願望所致也。俟後一切行動，漸趨激烈，破壞條約，收回失地，合併奧國，均彼建設德國理想樂土之計劃也。其他列強，惟恐希特勒完成光復戰前德國之富強，再受威脅，遂竭盡力之所及，壓抑德國，此種情形，即今日歐洲之現狀也。

然希特勒之成功，實與大戰時彼之爲人，已有雲泥之別矣。彼於三十二歲時，觀其身着戎裝之寫真，軀體細長，面貌不揚，全部姿態，形成平凡無奇之兵士耳。一九一九年，大戰閉幕，彼無職業，流浪各地，旋卽遇有國粹團體。該團只有六人，希特勒曾於該團公開會議席上，登壇演講，言詞激烈，大意如下：「今之德意志民族，陷於分裂之危淵，吾人應速奮起，極救祖國之沈淪，德國與奧國，非同一般民族乎？兩國當於民族主義旗幟下，共同邁進，實現吾人理想之一大帝國」，在場數人，聆此熱辯，深爲感動，當場請其入團，自此彼之愛國精神，每假該團演說時，澈底發揮，滔滔雄辯，聽衆感動，國粹團體，逐漸發展，團員日衆，俟後該團改爲「國粹社會主義勞動黨」卽今日所謂「國粹黨」是也。

希特勒以「德國復興」爲己任，對於工作，身先黨員，街頭宣傳，決無退縮。當時國粹黨，綱如下：（一）打倒共產主義，（二）排斥猶太人，（三）收回失地，（四）實現大德國民族主義，（五）建設第三帝國，根據以上主張，經彼之天馬行空之雄辯，以及國粹黨之勇敢行動，國民對彼崇拜心理日熾，屢經磨練，均破難關，終能完成國粹黨政權之理想，所謂世界和平凡爾賽條約，非僅德國之莫大恥辱，因此德國軍備亦受嚴厲限制，多數國土，悉

被割去，尤以海外殖民地，全部喪失，結果，凡爾賽和平成立，即德國土地縮小之時，嗚呼！如德意志民族者，焉能緘默，更何堪忍受，故無時不在企圖光復舊德意志之版圖，則國粹黨之誕生，亦為勢所促成者也。希特勒所大聲疾呼者，亦即德意志民族所熱望者，希特勒獲得政權，確非無因也。彼自一九三三年取得統治大權，德國之共產主義，消滅殆盡，猶太民族，悉被逐出，國內問題實行與民公約，決不私自變動，國民信心，愈形穩固，舉國上下，一致推崇希特勒之政權，毫無疑惑。

興登堡大總統逝世後，彼即以大總統兼宰相之要職，執行大權，當時國民投票結果，彼竟獲得百分之九十三之票數，可見德人對彼擁護之熱烈矣。由是希特勒對外之手腕，已使全歐震驚。其第一步成功，即為賽爾人民對德統治之投票，彼於事前，拚命講演，並向賽爾人民呼籲，國粹黨全體出動，舉行空前示威，努力奮鬥，結果，賽爾重返德國治下，誠希特勒偉大成功，否則，如歸失敗，則希特勒即失信於國民，國粹黨之政權，亦恐難免傾覆。

希特勒自是更進一步，宣告廢棄凡爾賽條約中軍事協訂，一九三一年——一九三二年間，歐洲各國暫許德國恢復某種程度之軍備，要求德國撤廢秘密之軍備，借此消滅德國復仇之危

機。一九三二年，日內瓦軍縮會議時，德國要求完全恢復軍備，提案發表，糾紛即起，終使德國憤然退出國聯，形勢緊張，德國整軍備戰之聲愈高，列強憂慮，及倫敦軍縮會議時期，迫不得已，對德軍備，不敢再加嚴限，寬容之說，極爲濃厚，英法代表，協議結果，意見一致，決定以下兩項，（一）請德復返國聯，展寬對德軍備限制，（二）締結英法義比德五國之羅迦諾天空公約。

希特勒洞悉各國對德之真像，決採「先下手爲強」之步驟，積極擴大空軍，突於三月十六日，自行廢棄凡爾賽條約中軍事協訂後，並再進一步，凡爾賽和平條約整個破壞，實行收復德國主權，宣佈自由行動，全德民衆，睹此壯舉，歡喜欲狂，徹夜亂舞，高呼希特勒萬歲，如此情形，當能明瞭希特勒被其民衆愛戴之熱烈。全德意志民族視彼既如神明。同時列強諸國，深表不滿，高揭德國廢約之罪案，指摘爲國際非法行爲，英法義三國舉行斯特來塞會議，及國際聯盟理事會，亟謀對策，一致主張，對德提出「責問案」，該案內容，限制德國不可再破壞凡爾賽條約之附屬公約，惟對軍事協訂各項，似有默認，不加追究之暗示。

希特勒之國際外交，重大成功之要素，即彼認清機會，迅速進行，終能逐步實現收回主

權之目標，其外交手腕，實爲驚人，然彼對於國際外交之內幕，洞察無誤，故敢斷行，百發百中，非僅凡爾賽條約之軍事協訂，而凡爾賽全部條約，均失其效力矣。否則，德國復興，談何容易，不幸，各國對德使用武力，又將如何，而希特勒已於廢約之前，一切外交，準備妥當，其第一步破壞工作完畢，迅速進行第二步和平工作，首先與英會商，締結新海軍協訂，保有英國三分之一之海軍力，終得英方之同情，和平遂告成功，武力衝突之危機，亦消滅於無形矣。

其次海外殖民地問題，德國深欲早日收回，然此一項，仍待希特勒之外交折衝，其所採之步驟，軟硬兼有，一方廢棄條約，另一方則依法手續，進行談判，將來結果如何，尙難明瞭，惟希特勒實一非凡之外交家，彼之優點，外交直覺的洞察力，甚爲雄厚，非似英法之外交家，偏於理論，過於迂迴，今日歐洲之政治家及外交家，除墨索里尼外，卽屬希特勒爲優，彼之行動，固深爲各國所不滿，然其偉大處，實勝他人一籌。

舉世皆知希特勒之性格，異常強悍，然其內心，殊爲溫柔，世人多未瞭解，均視其如英雄然，因其行動敏捷，救國意志及其思想精力，均過常人，然據素與希特勒接近者云，希氏

態度，格外寧靜，語聲極低，印像溫和，頗有愉快之感，僅兩目閃閃有光，常人不敢與彼對視，此外由任何一點觀察，決無使人對此獨裁者稍存恐怖之念。希特勒平時生活，篤信宗教，實一虔誠之清教徒，至今仍未接近女色，保持獨身主義，絕與其他愛美人之英雄，完全不同者也。非特如此，一切飲食，亦甚簡單，凡屬肉類，及烟酒等物，一概禁絕，其生活情形，實與墨索里尼無異，惟酷好音樂及電影，於其總統官邸內，親自設計，建築音樂及電影室各一，內容完備，恆與最親信者數人，公餘聚歡，其樂融融，此外則於巴維利亞山莊別墅中，攜其愛犬，終日遊山玩水，以享大自然之快樂也。

B 李賓特羅甫

自英德兩國成立海軍協定後，德國代表李賓特羅甫之聲望突高，頗為歐洲各國政府所注意，當時德國盛傳外交部長一職，將由李賓特羅甫繼任，彼在德國政府中，乃初頭露角之人物，關於彼之出身，經歷，及人望，頗為各方亟欲了解者也。

李賓特羅甫任德國軍縮特使時，尚係不滿四十歲之白面書生，竟能周旋於歐洲各國之老練外交家中，如巴黎，倫敦，及其他歐洲主要國家之大都市，時常有其踪跡，惟彼個性，極

端厭惡新聞記者及宣傳作用，向不拍攝新聞照片，故彼個人，雖極活躍，且為一般社會熟知之人物，然廬山面目，多未認識，彼在社會，異常神秘，尤為大眾內心之懸謎，其在國社黨歷史亦甚短促，素無驚奇事蹟，以其過去與黨之關係，亦屬膚淺，然彼與德大總統希特勒之個人關係，實為密切，換言之，李賓特羅甫者，非只平凡之黨員，實乃國社黨之一恩人也。

李賓特羅甫生於一八九七年，其家庭狀況，富裕美滿，其祖父為巴維利亞全省之大地主，擁有廣大肥田及豐澤農圃，其父則經營家禽事業，因一九一四年大戰爆發，李賓特羅甫未暇入學，直接投入軍隊，參戰二年，身任奧國及匈牙利軍之騎兵少尉，及大戰結束，仍編入正式軍隊，度其兵營生活，彼之得有今日之命運結果，亦自此始也。當時曾有青年將校二人，與彼莫逆，朝夕聚首，一為羅贊比庫中尉，另一人則為曹長希特勒是也。

戰後巴維利亞全省情形，極感不安，社會秩序，日趨混亂，中尉羅贊比庫負有視察不穩民情並作報告之任務，因當地勞動運動激烈，偵察工作，無法進行，深為困難，後由希特勒之推薦，李賓特羅甫參加此項工作，則當地之一切政治集會及勞動集團，均有李之足跡，混雜其間，彼之手腕巧妙，終於大眾不知不覺之中，完成最後之工作。

是時李賓特羅甫青年倜儻，經濟充足，出入社交界中，終與當地富豪香濱酒大王之女，發生戀愛關係，結成良緣，未久經其岳父之勸告，脫離軍隊之生活，協助岳父辦理商業，並向西歐各國，開拓市場，親自巡歷英國，法國，及斯堪地納維亞諸國，大逞奇才，自是德國香濱酒向外輸出量，逐年激增，經商成績，可足驚人，彼雖委身商業，並未忘情昔日軍隊良友，仍與羅賓比庫及希特勒二人，時常交往，過從甚密，其後希特勒獨樹異幟，奔走政治，李賓特羅甫對希特勒之運動，不信其有成功之日，惟因友誼篤厚，雖不贊成，亦不惜其一切，積極援助，且對財力一項，更不吝惜，傾其所有，以補助之，希特勒之人望日高，皆宣傳得當，實則又爲李賓特羅甫，對於希特勒資金之需要，向未拒絕故也。然彼對黨之懷疑，經此長久時間之考慮後，并未稍殺，而希特勒對此良友之悲觀，亦從未表示失望，聳湧益力，最後終得李賓特羅甫之許可，國社黨又增一健將，一時傳爲德國政黨之佳話。

李賓特羅甫入黨以後，埋首黨內，隱跡幹部，初無異黨之顧問，一九三二年，希特勒獲得政權，國社黨欲對李賓特羅甫財力援助之厚情，表示謝忱，首先撤廢香濱酒之課稅。

李賓特羅甫代表德國，出席軍縮會議，實非一般人所預料，更無人知其得有今日之成功

，彼曾親赴巴黎、倫敦等處，折衝外交，倍嘗辛苦，最初不蒙各地之熱烈歡迎，然彼之態度可親，情感動人，遂能促成英德海軍協定之實現也。

近因德元首希特勒自動恢復武裝，宣佈廢約後，國際政局，亦呈緊張，同時德方對外代表之行動，極爲世界列強所注視，然此德國重要角色，即李賓特羅甫也。彼曾兩度飛往倫敦，奔走英德之間，緩和非常時局，完成空前外交工作，乃今日國際一大政治家也。考其過去歷史，初不滿意國社黨之行動，向無黨內工作成績，復無黨外之外交活動，中年歲月只作個人商業經營，若據此以觀測之，李賓特羅甫應無今日之地位，然彼個人之才幹，實超國社黨一般黨員之上，且與希特勒知交甚厚，在彼個人固能滿意今日之成功，希特勒之視彼，亦殊有「用人得當」之快感也。

C 克林姆

克林姆與戈培爾二人，儼如希特勒之左右手也。戈培爾乃希氏之「智囊」，而克林姆則爲希氏之「力量」，兩者一文一武，形成對峙之勢，已成公開之秘密。若以二人之資望論，皆能爲希特勒之繼任者，由是競爭愈烈，暗鬥情形，亦漸表面化矣。惟戈培爾之深謀遠慮，

實非具有「血氣勇猛」之克林曼者，所能望其項背也。

彼自國社黨獲得政權後，即任德國航空大臣及普魯士之首相，並兼任德國空軍大將，非僅名著一時，且握有軍事實權，其個人之權力與地位，顯然壓倒宣傳部長之戈培爾矣。惟戈培爾之活動，靜如美妙之音樂，克林曼之活躍，則動如狂暴之旋風，兩者相較，蘊藏與露骨之情形，截然不同，一智一力，相互鬥爭，然克林曼之力鬥，終非戈培爾「智慧」之敵也。其後，內相佛利庫之改造政治計劃，竟得元首希特勒之贊許，取消舊有聯邦制度實現中央集權之分權制度，所謂普魯士首相者，其一切大權均失效力，彼則假借新婚旅行之機會，首途巴爾幹半島，分訪各國政府，至波蘭後，參加比魯斯基元帥喪禮，得與各國代表晤談，此時克林曼，仿效戈培爾之外交手腕，盡其拉攏之能事也。

克林曼之父，生前亦任要職，頗得卑斯麥信任，曾赴非洲西部，辦理殖民事業，握有統治西非大權，彼生於一八九三年，乃一純粹之普魯士人也，生性好鬥，勇於戰爭，世界大戰時期，彼為德國空軍將校，縱橫於歐陸天空，擊破敵機多架，威名大震。一九一二年畢業於士官學校，即入聯隊，任步兵中尉，當時彼之軍隊住在地，即為戰後割讓法國之阿爾薩斯

省，大戰開始之前，昇為大隊副官，担負斥候勤務，工作頗勞，突罹關節炎症，遂入衛戍醫院養病，久病初愈，出院散步，偶遇舊友某君，得悉該友現任航空將校，因友人之介紹，彼遂轉入空軍，一九一五年，膺任空軍將校職，旋被派往前線作戰，一九一六年，率領飛機一隊，奮戰結果，獲得殊勳名譽獎章，一九一八年戰事完畢，退出軍隊，努力航空事業，屢作遠航飛行，自丹麥至瑞典之間，完成新紀錄，得於瑞典航空公司任飛行士職，未久厭惡空中生活，彼對政治興味，油然而生，復返故鄉，再入大學，專攻史學及經濟學，一九二二年，德國突擊隊組成，彼任隊長，此時即與清黨時被殺之突擊隊長勒姆失和，屢被擲揄，且遭排擠，險被暗殺，一九二三年終被驅逐出境，僑於奧境，轉赴羅馬，在此經過四年之久，始允歸國，再往瑞典航空公司任職。及一九二七年始蒙政府大赦，遂整裝返德，此時適值勒姆亦自美國來，勒姆即任突擊隊長，於一九二九年，克林姆竟得戈培爾之援助，主張由其繼勒姆後，任突擊隊長，然未得希特勒之容許，終歸無望。一九三〇年，國社黨議員十二名，參加國會，克林姆與戈培爾，均為其中之一人，一九三二年總選舉後，克林姆選為國會議長，因與共產黨議員，辯論衝突，發生不幸事件，處理未當，輿論不滿，譏諷訕笑，不絕如縷，當

時曾有「勇敢議長」之別號也。

克林姆爲人直率，性格驕悍，德國大衆，皆呼彼爲「鐵的日耳曼人」或「人類坦克」等名稱，彼之軀體強健，兩目炯炯，無異猛虎，現任航空大臣，肩負國防重荷，極爲歐洲政界所注視，其予未來歐陸天空之安危，關係非淺也，彼雖猛如巨獅，然亦有出人意料以外者，曾一度過其「羅曼斯」之生活，彼與德國著名女伶發生戀愛，旋即正式結婚，于其美滿家庭中，享受其快樂歲月矣。

D 歐來得

德國外交機關有三，即政府之外交部，NSDAP（國社黨外交部），及宣傳部。因是外交部長亦即政府之外交大臣歐來得，國社黨外交部長羅贊比庫，及宣傳大臣戈陪爾，此外航空部長克林姆及李賓特羅甫，亦爲活動外交之大員也。實際上，德國外交大臣共計五名，而名義上總攬外交一切大權者歐來得，不過徒擁虛名而已，彼之權限範圍，只在統御在外使臣及外交技術與事務之管理，無非外交事務大臣而已，今日之希特勒內閣，國社黨外出身之三大人物，（一）爲經濟大臣夏哈德，（二）爲國防大臣白倫堡，（三）則爲外交大臣歐來得。

，皆爲德國當代內閣之柱石也。

歐來得生於一八七三年，現年六十三歲，老與未衰，政躬甚勤，其父曾任國王之侍從長官，家世清高，歐來得畢業於柏林大學後，一九〇一年，即入外交部勤務，大戰時爲陸軍大尉，任中隊長戰於西部戰線，其間一度歸返故鄉，轉任國王之秘書官長，此時已能表現其政治天才矣。戰後即任外交官，出使國外，一九二一年昇任駐義大使，一九三〇年駐節倫敦，一九三二年六月巴賓內閣成立時，返國任外交大臣，及希特勒內閣時期，仍未更動，代表德國，出席日內瓦軍縮會議，頗得各方好評。

E 羅贊比庫

羅贊比庫乃與歐來得在外交上有不可分離之關係，彼實佔有最高地位，前文曾謂彼爲希特勒之「智囊」，並非過言。彼非僅一外交要員，兼任中央黨報主筆，實一外交之指導者，現任國社黨之外交部長，尤得總統希特勒之信任，生平主張人種主義，故德國排斥猶太人最力者，即羅贊比庫是也。關於排猶，反共，排教之主張，著書最多，彼之「世紀神話」及希特勒所著之「我們奮鬥」二書，最爲青年讀者所歡迎。此外德國之遠東政策，及德波妥協等重大提

案，均爲羅贊比庫之主張，彼雖任國社黨之外交部長，而實爲希特勒內閣之外交大臣，更與黨內關係頗深，資望隆重，曾於一九三一年親赴倫敦，爲希特勒政策向英謀諒解，一時名播全歐，成爲國際舞台上之重要角色矣。

彼生於一八九三年俄屬之斯特尼阿境內，惟非俄人，乃一純粹之日耳曼人，在利隆大學學習建築工程，大戰開始，該校遷至莫斯科，畢業時考察成績異常優良，即歸國投入義勇軍，因故未能如願，旋任制陶教師，翌年帝國崩潰，斯特尼亞獨立，政府成立時，羅贊比庫發表熱烈反共演說，因是開罪共黨人員，幾被逮捕，一九一九年加入希特勒所組之國社黨內，一九二三年取得正式德國國籍，曾於露天演說時，與敵黨衝突，國社黨黨員被殺甚衆，彼幸無事，接受希特勒命令，潛入奧國，重行復與國社黨部，誠有功於國社黨非淺也。

F 戈陪爾

戈陪爾之軀幹矮小，跛一足而頭過大，毫無風采之青年也，現年只三十八歲，但深謀遠慮之智慧，絕非他人所能及者，尤對觀測人物事項，無不洞悉，彼之有今日成功，更因彼有十足之資本也。

彼之宣傳部，乃「啟蒙宣傳部」，此項組織，為他國所無，因國社黨實行新政治組織，此乃必要之機關也。部內事務，對內啟蒙及對外宣傳，此外文化統制及言論統一，均其重要工作，凡國內之音樂，戲劇，電影，均在其統制之下，而對外事項，則為傳達各國之高等情報，實一非常時之人物，而任非常時之工作也。

彼生於一小工廠長之家，雖非富有，亦能安心讀書，先後曾入七個大學，專攻史學，文學史，及美術史三門課程，一九二二年二十五歲時，投入國社黨，參加學生運動，兼任報館主筆，一九二六年鼓吹國民運動，攻擊巴賓內閣，與政府報對峙，論戰甚烈，及任宣傳部時，首先燒毀多數有害書籍，並統治德國一切文化，實踐其「指導者」之真精神。

第三 義國

A 墨索里尼

某一國家如能出現一名偉大人物，即能構成指導社會國家之要素，並非過言，觀乎今日之義大利，足能證明矣。據德國著名哲學家云：「義大利民族，較任何國家之人民，尤乏自

治能力，若以建設事業付諸民衆辦理，則永無實現可能，故義國民衆之統治，決與英法兩國之民主政治，完全不同，今日墨索里尼之獨裁，亦非義大利空前現象，觀乎古代羅馬極盛時期，均有掌握統治大權之偉大人物出現，所謂法西斯政權，非義國民衆所有，實墨索里尼個人之所有物也」。因是缺乏自治能力之國民，渴待偉大人物之產生，儼如久旱之望雲霓焉。

如墨索里尼之政治家，實由於其國家民族性及時勢所使然也。

大戰後之義大利，民生凋敝，赤化蔓延，共黨煽動，社會混亂，兼因左派跳樑，民治能力愈趨薄弱，同時共黨把持議會，頒布虐政，義國危機，已爲立國以來所未有者也。一九一九年三月二十三日，墨索里尼，鑒於國勢日非，奮起救此頹局，遂任彼之義大利國民新聞報社內，組織法西斯戰鬥團，初有黨員百五十名，集合義氣軒昂及富有熱血之青年，故團員雖少，而精神極佳，未逾一年，人數突增，勢力雄厚，先後破壞波魯尼亞，義米里，及羅馬等地之社會黨機關，並將以上各地劃歸法西斯勢力範圍，拯救祖國爲己任之法西斯黨員，鼓舞前進，屢與社會黨黨員，發生衝突，流血慘劇，日有所聞，犧牲黨員爲數非少，而法西斯黨部，逐年增加，自是已遍及義大利全境。一九二二年，竟與左派聯合勢力之政黨，發生一次

雖雄之鬥爭，當時左派聯合一致，反對內閣之鎮壓手段，促成全國總罷工，如鐵路，自來水，電氣，郵政，清道夫等，全部停工，政府完全無力制止，全國各地，騷擾不已，法西斯黨，已有一部國民援助，努力反對同盟罷工運動，晝夜不息，到處鎮壓，結果，竟能二三日內，空前大罷工風潮，趨於平靜，惟政府威令日墜，故欲制止共黨活動，決非政府能力所及，捨法西斯黨外，已無他途，故共黨勢力之削減，即法西斯黨力量之膨脹，再進而言曰：「打倒共黨，亦非法西斯黨，實爲墨索里尼一人」。當時義國民衆之心理，皆以救濟國家之唯一手段，即法西斯黨應取得政權，同時墨索里尼拜受大命組織新內閣。

意大利之革新運動，乃廣汎之大規模運動，所有國民無不參加，故墨索里尼獲得政權，實有永久性，並牢不可拔者也。而國民援助法西斯運動之動機，非止於消極的理論之鬥爭，確爲實際之愛國精神，全義大利民族，據其固有崇拜英雄之精神，擁護其國家之領袖墨索里尼，雖窮鄉避壤之聖母堂中，均有墨氏肖像，像旁供花，四時鮮艷，可知義人敬供墨氏，直如神明，由此可見矣。

彼對義國政治組織，全部改革，甚至經濟機構，亦加澈底改良，對外決採強硬外交政策

，因其背後，據有全國民衆之後援，同時策劃一切而能應付四面八方者，則有法西斯黨最高評議會，乃其知慧之總樞，該評議會中，則有進擊羅馬之四巨頭，即阿克，特比基，特波歐，及庫爾基等，並有黨首墨索里尼，該會參與一切內外大計，此亦根據洛可法和之計劃，施行立憲政治之初步，又爲準備時期之政治最高機關，而義大利新成立之議會，事實上無何等監督力量，左右政府者，亦法西斯黨最高評議會是也。所謂特權，則有協議政府大員之特權及委任事項，兼有諮詢法令頒佈及國務之表決權。該會議長則爲墨索里尼，議員則有以上四人（阿克已死）法西斯黨正副幹事長，上下兩院議長，農工兩業聯合會長，法西斯黨幹事，及其他重要人員。凡墨索里尼之內外政策，均由評議會所產生，如此則知墨索里尼身任政府元首，法西斯黨魁，及最高評議會之議長，因其政治外交，變幻千萬，奧妙無窮，非具有聰敏絕頂之頭腦，則錯誤百出，遺誤家邦，異常危險，而墨索里尼施政萬端，竟無一事失當，實難能而可貴也。

彼自掌握政權迄今已達十有三年，政績斐然，如設立產業議會，改革選舉法，改善法制，其中最顯著者，即其財政政策，竟將歲入不足，引導而至年有剩餘，安定利貸，整理內外

國債，節減軍費。此外殖民政策，則將既已喪失之北非殖民地一帶，完全收復，殖民人口，逐年增加，建設經營，不遺餘力，荒田野原，盡成繁市。關於食糧問題，完成「小麥」政策，全國荒地，開闢無餘。振興土木事業，組織勞動組合及勞資同盟，調和勞資兩方感情，舉凡國家之物質精神事業，蒸蒸日上，打破革命以前之個人物質主義，建設國家集團心理。吾人初踏義土，隨處皆有新興氣象之感觸，無一不表現墨索里尼之創造精神，而戰後義大利之國際地位，逐年增高，現與列強國家爭雄，決非戰前義大利之面目矣。

世界大戰中，義國戰死六十萬人傷者三百萬，消費國帑無數，結果，大戰媾和，所獲代價，僅國境一部另行改訂條約而已，戰勝國家，外交失敗，誠不勝扼腕者也。

義大利外交問題，自一九二六年十一月墨索里尼與羅馬尼亞大總統締結基拉那條約後，逐漸轉佳，一九二九年第二次基拉那條約完成，兩國締結軍事協訂，對外攻守同盟，國勢漸強，其次則對土耳其懷柔外交成功。一九二八年九月義希修好條約亦成立，此外則有匈牙利，奧大利等國，均與義大利結成友好關係，義即恃此則與法方之小協約國對抗，企圖在巴爾幹半島上爭霸，後因德國問題發生，法國外相賴伐耳訪問羅馬，忍氣吞聲謀與義國接近，締

結協訂，並得法方默許，義在菲活動已有自由，且菲洲利比亞南部法領，割與義國，由是義在國際地位，逐漸提高，而東非亞比西尼亞問題，乘時而起，義因人口過剩，每年增加七百萬，原料缺乏，已達極點，墨索里尼深知現勢，歐陸時局，因德緊張，英法已不暇他顧，義欲擴充領土，此其時也，遂不顧一切，對亞出兵，堅甲利兵，一戰而下，大功告成，所謂國聯之勸告及制裁，均等具文，英雖竭力阻止，終因環境所迫，不能積極干涉，且顧慮甚多，而義大利能得今日征亞之成功者，若謂為義國民衆之決心，莫如謂為墨索里尼之野心，其能一往直前，無視危險，冒然勇往邁進，決非猶突猛奔之行爲，因墨索里尼深能洞察大勢，事之前後，決有把握，故敢斷然發動，列強竟敢怒而不敢阻止，戰後外交，尤關緊要，萬一措置失當，則危機立至，而墨索里尼外交天才，手腕惡辣，始終不稍示弱，囂強如一，結果，列強撤銷對義制裁之聲漸高，可見義國非特戰勝弱小亞比西尼亞，且能以其孤立無援之外交，竟使列強終爲屈服，故吾人對於武力收亞，認義不足爲榮，而對其外交勝利，則不得不表示欽佩。義國睥睨歐陸，席捲南歐，皆墨索里尼一人之力也，彼之精神如鐵，聰敏絕頂，「智」與「力」合而爲一，完成偉大人傑之天才。今日歐局人物，如德之希特勒，英之麥克唐納

，皆較墨索里尼尚有遜色，此乃世界各國民衆異口同聲之贊語。

惟今日義大利之國際地位，尙未完全脫離厄境，進退左右，仍有障礙，儼如立於火山口上，故今後墨索里尼對其國家之重責，前途猶待努力，回憶意國法西斯革命後，已十餘年，其間苦痛與血淚之事實，不計其數矣。吾人對此復興祖國之英雄索墨里尼尤當予以十分敬意。

第四 俄國

A 斯塔林

談及赤俄問題，則無人不知有「斯塔林」者。再蘇維埃聯邦，乃世界唯一赤色國家，吾人對其建國理想，不欲多加評語，惟其國家最近趨向，較前確有轉變，親乎赤俄在日內瓦之活動，不待贅言，當可明白矣。

所謂「斯拉夫民族」一語，歐人含有輕視意味，考諸俄人之個性，亦較其他歐洲人種，略遜一籌，故歐人均視斯拉夫人，不啻呆笨之人種也，惟今日之蘇俄聯邦，集一億有餘之呆笨斯拉夫人民，其全體行動儼如一個呆笨之斯拉夫人，而其民族之短處及優點，均在於此矣。

在此呆笨民族之中，個人行動，喪失殆盡，欲求偉大事業之實現，而整個行動之中，則須「犧牲自己」，而時代英雄出任國家指導者，則應環境之需要，亦立即產生，如今日赤俄之斯塔林，實一億有餘之斯拉夫民族之唯一人物，率其呆笨之民衆，衝向前去。

彼自學校畢業以後，即走入非常生活之中，直至一九一七年止，其間共經三十餘年，因思想行動激烈，屢被逮捕入獄，判處流刑，而每次入獄流刑，均能賴其膽識過人，數度越獄，可見過去之歲月，斯塔林則日處恐怖生活中。

斯塔林平素主張；向來反對「爲學問而有之學問」及「爲理論而有之理論」，而彼之一「學問」與「理論」則爲適合「現實」而存在者也。因是，如赤俄理論家之杜洛斯基，基諾羅夫等，均遭斯塔林痛罵，終被其逐出境外，故彼對於「向外赤化」政策，素抱反對態度，最近屢有聲明，表示蘇俄對外政策之真髓，吾人據此，當能洞悉，所謂斯塔林主義者，決與積極邁進「世界革命」之革命理論家，非可同日而語也。今日赤俄現實主義之斯塔林，毫無神密，彼之生活，極其簡單，因彼只求現實主義，不顧名份問題，現雖總攬赤俄獨裁統治大權，非如德之希特勒，位居總統；更非如義之墨索里尼，位至首相；彼則僅以「共黨中央委員

會書記之名義，執行國家行政大權，此其個性之特點也。

憶自赤俄國家誕生以來，至今十九年矣，斯塔林無日不在其國家建設第一線上活躍，較諸右派國家之德國希特勒及義國墨索里尼，雖立場不同，而奮鬥圖強，則如一也，尤以斯塔林異乎其他革命論理者，即彼深能明白世界趨勢，不再孤立，放棄人類所不滿之「世界革命」主張，以圖實現赤俄一國之建設。換言之，即蘇維埃聯邦，放開大步，已向右轉矣。

自列寧逝世，全俄入斯塔林掌握中，歷經十餘年，其間痛苦，不遑枚述，尤以大戰後之俄國民生，日趨艱難，而革命理想，經濟改造，均歸失敗，最後則採五年計劃，先謀重工業之建設，完成國防之基礎，再轉變對外政策，鞏固國際地位，而蘇俄之有今日情形，若謂為革命政策成功，莫如謂為斯塔林之外交勝利。

去歲列強訪俄之要人，如英外相艾登，法外相賴伐耳，捷克外相比內修等，皆與斯塔林會見，會談結果，異常美滿，尤以歐洲多事之秋，美國竟與赤俄復交，美國第一位大使波利得，於盛大歡迎之中安抵赤都，素不相容之美俄國交，終能實現良好關係，誠斯塔林之重大成功也。

斯塔林自驅走杜洛斯基反對派後，復經數次清黨運動，先後被其處死之反動犯，不計其數，故彼今日實握有蘇俄政治之牛耳。再者彼個人所抱之信念，絲毫不移，穩固如山，雖一言半句，儼如金科玉律，故斯塔林所言者，亦卽蘇俄政府之法條，決無一人敢出而反對者，凡蘇俄集會討論，若爲斯塔林之提議，即能全場通過，可見強大赤俄之勢力，全部入於斯塔林一人掌握中。

今之蘇維埃聯邦，正式加入國際聯盟，誠爲對外一大轉變，不僅採取協調外交，且於國內經濟機構，亦有轉爲資本主義之趨向，尤可注意者，即赤俄先行打倒社會既有之舊道德，現亦逐漸實行恢復，故蘇俄政府內外政策，非止於實質上改革，卽精神方面，亦力圖復舊運動，最近盛傳流落海外之白俄，因鑒於赤俄改策之轉變，有亟謀歸國說，總之，斯塔林獨裁政治之下，其對內外之手段，極盡翻雲覆雨之能事耳。

斯塔林生於一八七九年，現年五十七歲，爲俄之其夫利斯縣農家子。關於彼之籍貫，又有謂彼爲其夫利斯市之製鞋工人之子也，換言之，彼之家庭，決非富有，確係貧苦無告者，幼時生活，異常困難，更因舊俄時代，社會階級，更爲懸殊，貧富情形，雲泥之別，故彼所

經之慘痛生活，實有多少辛酸事，當不待言矣。十七歲時，入神學校讀書，因生性好動，屢次犯規，對於學校約束不滿，遂聯合多數同學起事，並自任該校學生革命團之指導，結果失敗，被該校當局開除學籍。因彼於社會政治，諸多憤懣，遂以鬥士自命，流浪各地，參加實際革命運動，惟彼思想行動，決非常時俄國情勢所容許，被捕多次，然終未稍變初衷，信念始終如一，絕對服從列寧主義，埋首社會革命運動，其能有今日之成功者，即其意志不移，惟其政治命運，亦一帆風順，並無所阻也。

B 李維諾夫

國際舞台上最露頭角者，捨赤俄外交委員長李維諾夫外，更無一人能出其右者。彼於國際外交上已完成不朽之偉業，歐洲外交界中，能與彼並駕齊驅者，即艾登也。惟彼之外交所及，非止歐洲一隅，如近東，遠東，以及美洲，皆其活躍之範圍，其將來動向，各國均甚注意，彼出沒國際政局中，身負赤俄對外之重責，施其偉大天才，誠世界一代外交界之寵兒。當赤俄外交最初轉變時期，彼對其祖國所供獻之敬禮，即爲「美俄復交」及俄入國聯之兩大成功是也。赤俄加入國聯，給予國社黨之德國刺激非淺，對其從來親德政策，亦急轉直

下，突採親法政策，更進一步，而與法方結成互助協訂及軍事同盟，且埋沒多年之俄國外交面目既登國際舞台，初現色相，而一鳴足能驚人者，並予國際外交界一莫大衝動，皆蘇俄外交委員長李維諾夫一人之力量也。

彼現年六十一歲，而外交工作方酣，今日活躍於國際舞台，惟未來發展，尙難預測。一九二九年十一月，日內瓦第四次軍縮會議，彼任俄國代表，出席軍備委員會，即其向外工作之初步，當時李維諾夫登壇演說之第一聲，痛論國聯過去工作之非，抨擊軍縮會議毫無誠意，高唱「軍備全廢」主義，竟使出席軍縮之各國代表，爲之側目。結果，李氏提案，終被否決，然予各位表間之印像深刻，不失老練外交家態度，及一九三〇年，昇任蘇俄外交委員長，彼之主張，卽爲協調主義，並以「協調外交」充其活躍於國際舞台上之利器，首與西歐鄰國締結不侵犯條約，一九三一年七月至一九三二年一月，先後完成數個國家之不侵犯條約，當時赤俄國內正因五年計劃之強制政策，人民對於政府，非常不滿，竟因對外成功，內部亦漸安定，故李維諾夫，非特爲一國際外交人物，且爲赤俄復興之政治家。

彼之圓滑手段，頗值驚嘆，在此數年，其出入於日內瓦間，不止十餘次，今日在巴黎，

明日即赴倫敦，非於柏林，即居羅馬，旋又赴美洲，往來各大都會間異常忙碌，雖片刻閑暇，已不可得，彼之今日成功，實天不負有心人焉。

今之赤俄終能挽回孤立危局，而與列強相互妥協，一掃世界各國猜疑，皆李維諾夫之力也。而彼敢在國外邁往猛進者，因得斯塔林之信任，彼二人者，確為赤俄內外兩大柱石，每遇國際重大會議，即有李維諾夫踪跡，且鋒頭十足，決不甘落人後，彼之過去經歷，實為一「職業革命家」，惟自幼生於富裕家庭，素抱革命思想，一八九八年，彼方二十二歲，即參加共黨，翌年轉任黨委，一九〇一年被捕入獄，旋即逃往國外担任宣傳工作，一九〇五年在外創刊「新生活」報，發揮革命理論，兼而奔走購置兵器之秘密工作，此後，潛入威魯海沿岸一帶，煽動工人革命，後任駐英大使，翌年加入共黨人民外交委員會，其後屢任外交要職，一九三〇年始任現職。

第五 法國

A 勃魯姆

吾人皆知歐局緊張中之主要國家，捨英德外，即爲法蘭西也。現任法國內閣首揆之勃魯姆，當更爲萬國注目之人物，因彼個人之思想，施政，非特對於法國前途重大，影響於歐洲政局者，關係殊非淺鮮。

勃魯姆內閣，繼承薩勞之後，當其組閣之前，法國內閣內有罷工風潮，外有強德壓迫，實法國空前未有之內憂外患，彼以社會黨領袖地位，周旋於各大政黨之間，彼之未來施政方針，頗得民衆之擁護，尤以彼之經濟政策，素抱「佛郎貶值」之說，更爲大衆所擁護，實因提高佛郎價格不能挽救貧乏狀況，且社會黨從來政策，即爲提高工人待遇，而勃魯姆尤對勞工，深表同情，當彼之內閣成立，即首先頒布工作時間每週四十小時，深得各方贊許。

勃魯姆之思想極爲左傾，亦有其原因存在，因彼實爲一法蘭西之猶太人也，數十年來政治生活，無日不爲勞工努力，而彼之政治制度主張，堅決反對獨裁政治，故對法西斯運動，深惡痛絕，萬無妥協餘地，當彼行將組閣之前，歐洲即有一種恐怖流言，皆謂勃魯姆社會黨內閣果能成立，則德法戰爭勢難避免，然事出於意外者，彼之內閣雖於法德交惡聲中實現，

而對德關係，反見緩和，內容真像，實因社會黨內閣，值此法國空前危機，力求內部安定之暇，對外決不輕啟戰端，彼之對德外交，決與英方一致，不欲單獨應付歐局。然彼之外交工作，側重四面八方包圍德國之政策，使德孤立無援，一方與俄懇切握手，而一方與英聯絡，並與小協約國團結一致，採多角外交方針，恢復法義以前關係，極力主張取消制裁，並高唱民族協和，以媚遠方之美國，可見勃魯姆外交手腕，玲瓏活躍，極其圓滑矣。

勃魯姆登台第一聲，即將罷工風潮，和平了結，勞工方面，萬分滿意，而資方亦認爲不失公允，其施政技巧，亦能出人一籌，勃氏爲人亦甚忠厚老練，當彼出席內閣成立後第一次國會時，即有多數反對派之議員，竟出以非政治家態度，大呼「猶太人」以譏諷之，彼之黨員，突聆此語，無不憤慨，幾欲與此發言者動武，而勃魯姆視如未聞，其能鎮靜至此，可見大政治家風度，決非「常人」所能及者，故當時旁聽民衆，均對勃魯姆表示同情，高呼「勃魯姆」萬歲，其能動人如此者，必有「非常」之才德，當不待言。

B 赫里歐

勃魯姆內閣成立前，即有「重請赫里歐入閣」担任外相要職之呼聲，惟赫氏對於勃氏之

請求，終未允許，及社會黨內閣成立後，勃魯姆則委彼以衆院議長。

原來法蘭西即爲「議會中心」之國家也，國民無不關心政治，並好理論之鬥爭，於是政見分歧，政黨林立，多如江鱗，其中首推社會急進黨，勢力最爲雄厚，且佔有國會議員最多數，虎視法國政黨之中，爲期甚久，赫里歐竟以該黨總裁之地位，率其議員百五十餘名，週旋於其他數百名議員間，確能長期保有政治上之特殊地位，執衆議院之牛耳。

因小黨林立之議會政治，政變頻發之現象，勢所難免，欲圖減少議會之多變，則使政府無權解散議會，惟因議會固滯不動，亦易滋流弊，故前次舉國一致內閣時期，屢欲打破此種制度，尤以國民切望「議會解散令」之實現，當時首相茲米魯庫，曾與當時不管部大臣赫里歐等，協議結果，終未成立，因對習傳已久之議會制度，未忍加以絲毫抹殺。

赫里歐曾任內閣不管部大臣職，先後共經四次內閣，一九二六年七月赫氏繼賴伐爾之後，重組第二次內閣，惜未獲得下院支持，終以二日之短壽，遽行夭折，由其政敵阿克再組舉國一致內閣，赫里歐仍以教育部大臣入閣，一九二八年十一月社會急進黨不滿於內閣，赫遂依從黨議，退出內閣，一九三二年六月，再以黨爲基礎，組成赫里歐第三次內閣，赫以總理

大臣兼外相，適值德國要求軍備平等，彼親赴日內瓦參加軍縮會議，同時東北事變爆發，中日糾紛突起，彼之主張，向探和平主義，法在國聯尙能稍示公道。惟彼之平素行動，未暇稍有親英親俄之色彩也。

赫氏生於一八七二年七月，年二十二歲時，畢業於巴黎師範大學，後任里昂市專門學校之講師，該校女生一人，崇拜赫氏學說，因此而生敬愛，其後終與赫氏結婚，至今仍相愛如初，一九〇五年榮任里昂市長，自此未經數年，即受命組閣，活躍於里昂與巴黎兩市之間。

赫里歐酷愛文學，著作甚多，彼之文學論著，偏於哲學，數年前文豪左拉二十六周年紀念時，彼有「左拉及其時代」之演說，頗受聽衆讚譽，近有「自巴黎東去」新著作，尤爲讀著傾服。其文學素養，實爲近代大政治家中僅有傑才，雄辯亦有過人之處，因彼善於修辭，兼有先天之健喉，發音優美，每次演說，聽衆均被感動，誠國際舞台上下一代政傑，平生愛讀聖經，信仰宗教，虔敬篤誠，去歲辭去社會黨總裁，由勃魯姆繼任，彼因各種情形，竟與內閣離緣，實出常人意料之外，惟以其過去政治之資望論，現任法國衆議院議長，誠爲民主政治之法國前途，慶得其人矣。

第六 美國

A 羅斯福

世界經濟恐慌之暴風雨，雖黃金國家之美國，亦受其重大摧殘，造成從來未有之金融空虛，因此社會極度不安之情勢，而美國遂有空前人傑羅斯福之出現，彼甫任美國大總統者也。

56 美利堅合衆國，自昔從無偉人俊傑出任元首，政治學者布拉斯卿曰：（一）第一流政治家向來稀少，（二）選舉方法，決難促成偉人達於最高地位，（三）偉人在平時絕無必要。舉此三例，以證明美國最高地位，向無偉人出現。然今日之美國，竟非此例，美大總統羅斯福者，實非常時之偉大人物。

一九二八年，美國全境之繁榮時期，急轉直下，而胡佛恐慌時代，突然襲來，所謂自信心最顯著——樂天派之美國民衆，心胆俱碎，偉大無比之金元文明大廈，一變而成爲沙漠上之樓閣，美國蒙此暴風侵襲，已從根本上發生動搖矣。拜金主義之美國民衆，痛感其社會經濟組織之缺陷及民主政治之無能，由是深覺須有偉大人物之出現，拯此危局，待盼英雄，偉人

。巨人之出現，有如大旱之望雲霓焉。

值此風雨飄搖之中，一九二三年美國大總統選舉時，就選候補人，一爲共和黨候補前大總統胡佛，一爲民主黨候補前紐約州長羅斯福，兩人竟成對立形勢，彼此均有長短，然最引起美人與味者，則推羅斯福一人也。選舉結果，羅斯福竟以最多數票額，壓倒胡佛，惟羅當選爲美國大總統時，全國尙無一人認彼即爲「偉人」之出現者。一九三三年三月半身不遂之羅斯福，由其長子扶持，前往白宮，當時華盛頓雖爲深夜，電光所照，明如白晝，彼卽首先招見新聞記者，已破前例，並取消從來大總統嚴重警備，彼出見此輩遠道而來之數百名記者時，其態度誠懇幾如多年之故交，每一記者，對此新任大總統之羅斯福，打破未晤面前之疑慮，翌晨各報所載消息，均謂：「斯福乃美國完全無缺之大總統也」，全美民衆無不頷首稱慶，一掃胸中不安，對此新大總統之態度明朗，萬分滿意。

當彼就任之初，其施政第一聲，卽須首先挽救美國財界之危機，國民又多爲其政策擔憂，然羅斯福，毫無遲疑，遂以迅雷不及掩耳手段，出以革命方略，實行各種制度之改造政策，其依次發表之計劃中，則有封鎖全國銀行，強迫全部停業，禁止金貨出口，並廢棄金本位

制度，如此激烈之步驟，全世界均爲之驚訝，及至召開臨時會議時，復提出驚人之法案，一九三三年三月九日，即被就任後之第五日，在臨時會議中通過銀行法案，彼時握有銀行之管理權，同月十二日又通過「大總統須有官吏軍人之減俸權」之法案，四月一日彼以大總統令，公佈大戰征兵之恩給金，每年減少四萬萬元，同時每年五億元之失業救濟案正式成立，此外發表三十三億元之巨大公共事業計劃之預算案，五月十二日議會贊助農民救濟法案，並賦予政府之提高農產物價權，及增加聯邦準備銀行之資金，共計三十億元，所謂有名之產業復興法，竟在六月議會中通過矣。總之，此次議會之重大結果，卽爲大總統獲得二年之獨裁大權。

一九三三年六月十六日議會閉幕，羅斯福即開始實行復興法案，任命若翰遜將軍爲該案執行長官，復興法案內容，包括所有美國各產業部門，尤以勞動時間，工資，物價，生產率，及勞動條約及各項問題之取締權能，大總統握有總攬管理頒布之大權，有效期間，共計二年，此外羅斯福大總統並實行廢止「反託拉斯法」及禁酒法案。

但美國之繁榮復興，未如羅斯福預定計劃完全實現，非僅各種政策未能順利，甚至羅

斯福之聲譽亦日墜，國民對於復興法案不平不滿者，日漸增多，且有復返前三年恐慌時代之趨勢。一九三五年五月二十七日美國大審院，公然宣告復興法案失效，幸而六月十四日國會議院又全體通過復興法案再延長九個月，然大總統之權限，已受相當之限制矣。

當此危機四伏之秋，羅斯福之政敵環伺，共和黨捲土重來之勢愈迫，積極準備明年大總統選舉之運動，胡佛已由隱跡生活，又形活躍，原來羅氏之政敵，確為威魯街之銀行家，企業家，及資本家等，彼輩對於羅斯福之復興法案，反對最力，屢施阻害，至此更形露骨，各州均要求自治，羅斯福並不消極，仍整理其實際政策並準備下次選舉。

羅斯福持其果敢與勇氣，以圖挽救美國之破產，雖其過去二年之政績，不能滿足國民之希望，然彼之一切設施，尚不失其偉人風度，其最大特長，即不依賴固定主義，應時勢而處理之，縱有時變更其既定方針，亦所不惜，彼之福機應變，實為自古至今稀有之大政治家。雖有二年之惡戰苦鬥，態度依然明朗，尚能不失其勇氣與自信，且復興繁榮之目標，始終不變。因是，國民對彼之信仰及同情逐漸濃厚，而今後之推行，實為羅斯福政策之成敗關頭。

羅斯福大總統之對外政策，一言以蔽之，彼即國際協調主義之信徒也。曾主張美國應即

加入國聯，及其當選大總統之前，突將此項主張放棄。彼對國聯之見解如下：「國際聯盟現未成爲世界和平之機關，無非歐洲各國之政治問題討論會，故美國尙無參加之必要」，當倫敦國際經濟會議開會時，彼曾拒絕參加安定國際通貨之協議，終使經濟會議、歸諸失敗，美對歐洲問題，不變其門羅主義，亦向不干涉，且羅斯福對軍縮會議亦不與胡佛態度雷同，彼之軍事計劃，素採大海軍主義，故羅斯福雖爲一國際協調主義者，但另外仍多少帶有國家的法西斯色彩。

羅斯福現年五十四歲，一八八二年生於紐約市，年二十三歲時，畢業於哈佛大學，復入哥倫比亞大學專攻法學，曾在紐約，執行律師職務，一九〇一年二十八歲時，任紐約州上院議員，一九一三年三十一歲時任海軍次長，一九二一年失意於政界，辭職隱退，忽罹半身不遂之苦症，政界咸謂：羅斯福之東山再起，此後恐亦不可能矣，然彼並不因是灰心，決赴溫泉地帶靜養，克復病魔，再行奮鬥，一九二九年四十七歲時，當選紐約州知事，一九三三年得入白宮，彼平生最喜運動，尤好釣魚。

第七 土耳其

A 凱末耳

自德國宣佈恢復軍備及萊茵再武裝後，繼之，則有土耳其亦要求達達那爾海峽重設防禦事件，不過兩者略有差別，前者採取非法的自由行動，後者則為合法的步驟，雖手段之不同，而目的在求國防強固則一也。今之土耳其非特國勢日強，國際地位漸高，且其國家一舉一動，皆足引起各國之注意，而予以莫大之關心，土耳其得有今日之國勢，固非一日之功，然其真正原因，即為舉世皆知之凱末耳將軍奮鬥之結果。

今日歐洲或世界之四大獨裁者，世人無不知有墨索里尼，希特勒，斯塔林，及凱末耳四人，故欲窺知歐局之全豹，須先瞭解此四大獨裁政治家，而後可也。惟土耳其獨裁者凱末耳大總統，較諸以上三人尤為健強，因彼遠居避處，距國際舞台中心稍遠，國家微小，竟能以其個人之閱歷、膽量、智慧、熱情及思想，竟成爲偉大國家之巨人，如非天賦英才，決無此驚動天地之事業也。

若以彼之素質，與夫墨索里尼，希特勒之法西斯獨裁者及斯大林之共產主義之專政者，相互比較，則知凱末耳之獨裁政權，雖屬共產主義方面，多少含有民主主義之色彩。觀其過去十數年之政治，經濟，社會的革新事業，逐步成功，實彼精力過人一籌，決非他人可比，當有其個人之偉大存在焉。

土耳其位居歐洲噴火山口之巴爾幹半島之一角，乃自黑海至地中海間之要道，有達達那爾海峽控險以守，居然成爲偉大之獨立國家，今之凱末耳之存在，於歐局展望上，實不可忽略之人物也。

世界第一次大戰，起自巴爾幹半島，而目前之危局中，巴爾幹之達達那爾海峽，又成爲國際上嚴重問題，土耳其今既請求該海峽恢復要塞防禦，可見前途多事，若謂爲歐洲噴火山口之巴爾幹，誠非過言耳。

凱末耳，生於一八八〇年，現年五十六歲，精神仍極健旺，彼一生經過，變化甚多，波折重生，乃土耳其撒羅地方之平凡稅吏之子也。其父後棄官從商，經營木業，彼未成人，嚴父病歿，其母賢慧，育彼成人，在中學讀書時期，因被阿拉伯語教授所虐待，憤而退學，轉

入陸軍士官學校，腦筋明晰，勤學不輟，在校成績，歷倒羣生，該校數學教師，對彼異常喜愛，賜名爲「凱末耳」，此爲阿拉伯語，含有發揮天才智能之用意。

凱末耳在陸軍士官學校讀書時期，即對政治，頗有興味，當時土耳其政府之施政，彼深爲不滿，屢在校內師生之間，猛烈激評，然巧於舌辯，終未獲禍。俟後參加實際政治運動，一九〇四年，二十三歲時，彼之陸軍中尉官職罷免，被捕逐放，然彼之精神不稍退縮，仍積極活動，一九〇五年秘密結社，創立母國黨，旋被官憲識破，將彼遠逐他處，而凱末耳志不可奪，繼續奮鬥，再組新黨，並與當時既成政黨之合同進步黨合併，俟後中央政府突下逮捕命令，彼即逃往國外。及一九〇八年革命運動之合同進步黨成功，一八七六年憲法復活，彼之宿願漸可實現一部，惟黨內首領不滿於凱末耳之過激思想，彼遂憤然自動脫黨。

凱末耳至此放棄政治活動，再度轉進軍隊生活，一九一一年赴加里波里投入軍隊，在前線與義大利軍作戰，彼實據有天赋將才，屢次建立超群戰功，旋即昇入少校，一九一三年七月第二次巴爾幹戰爭，一躍而爲加里波里之遠征軍參謀長，及和平成立後，昇爲上校，並任駐俄公使館武官，及至歐洲大戰時仍在該地任職，一九一四年秋季，土耳其與德國同盟，參

加大戰，惟凱末耳則持反對論，並推測戰局，德國必歸失敗，不欲出征，然祖國大錯已成，助德參戰之幕開始，彼遂放棄個人之主張，自告奮勇，任路得斯特地帶之土耳其軍司令官，一九一五年轉任達達那爾海峽防禦司令官，當時英國海軍正作猛烈攻擊，海峽陷落迫在眉睫，及凱末耳至，土軍士氣大振，英軍節節敗退，形勢急轉直下矣。

英軍大舉作最後之攻擊，戰況已至空前激烈，凱末耳胸部突然飛來碎彈片，彼偶一揚手，彈片適與手表相碰，於無意中，幸免於死，誠爲彼之戰爭史上一幕奇蹟。自此以後，彼率大軍，轉戰他處，後以奇策，抄襲俄國著名之克薩克騎兵，一擊成功，俄軍覆沒，奪回失地，曾獲名譽特獎，血戰數年，屢破強敵，聲威大振，在當時爲同盟軍中，有數之名將也。

彼參戰之目的，乃在拯救祖國於危亡，然當時之土耳其政府，黑暗已極，凱末耳深爲不滿，伺機發動，意存革命，故一九一九年時，政府派彼前往東北一帶，檢閱第九旅軍隊，於是大好機會，不可錯過，滿懷高興，即時出發，原來政府此次派彼出巡，名爲檢閱軍隊，實際用意，乃在招撫當地反政府之軍隊，彼竟不守政府命令，私在黑海東北撤木林海口登岸，糾合同志，發起基馬利斯特運動。（凱末耳主義）勾結反政府之軍隊，事出意外，政府震驚

，發出急電，令彼星夜歸京，彼竟提出辭呈，不復返任，決心從事個人之國家主義運動，自此土耳其國內，遂有凱末耳派與政府派之別，並發生激烈鬥爭矣。

一九二〇年三月凱末耳聯合軍大勝，政府權勢，一落千丈，該年四月二十三日在安古拉召集新國會，故此時土耳其帝國之政權，已落於凱末耳掌握中，一九二一年夏季，希土戰爭爆發，土軍不利屢戰屢敗，安古拉新國會，遂任命凱末耳爲土軍總司令官，彼即趨赴前線作戰，加利拉一役凱末耳落馬，跌傷肋骨，然猶勇氣百倍，愈戰愈猛，交戰二年，擊退希臘軍隊，戰後則由安古拉國會任彼爲大元帥，並賜殊勳。

基馬利斯特運動，至此完全成功，一九二三年十月二十九日樹立土耳其共和國，正式建都安古拉，凱末耳當選爲第一任大總統，在事實上，彼即土耳其之獨裁者。未久即與聯合國簽訂洛桑條約，並收回許多失地。一九二七年與一九三一年兩次大選，仍任總統，對內斷然廢棄阿拉伯語，採用羅馬字母新國語，並施用新法，確定國民之姓氏，自一九三四年實行產業五年計劃，其他偉績，不勝枚舉。對外力行自主外交，不卑不抗，逐漸修好邦交，土耳其於巨人凱末耳領導下，一絲不亂，按班就序，節節前進，國勢突強，非特一掃戰前積弱，且

睥睨歐陸，誠近代稀有之新興國家也。

第八 日本

A 首相廣田弘毅

溯自九一八事變爆發後，日本國內社會情形，已生空前激變矣。所謂「非常時國難」之呼聲，瀰漫三島；同時「新興日本」之國運，亦應時而興焉。由是日本國內政論家與政治實行家，因環境所迫，遂分為兩大派別，一為現狀維持派，一為打破現狀派。屬於後者，均為主張改造國家一切組織現狀者，中堅份子，或為新官僚，或為軍人少壯將校，該派自五，一五大政變後，發展甚速，如近衛文磨公，荒木大將，後藤文吉等，皆此派有力份子。若於表面上觀察之，日本現狀維持派，實力較弱，惟事實上，日本元老重臣，多屬於現狀維持派，故於每次組閣時，「打開現狀派」終未能十分抬頭，觀乎齋藤，岡田兩內閣經過情形，即其明證也。

既如上述，則知「打破現狀派」，未能一伸志願，暢所欲言，後竟釀成日本空前之二、


二六大政變，可知該派勢力雖未能十分表面化，然亦不可厚非也。惜岡田內閣崩潰後，日本元老重臣，終未奏請該派人物組閣，惟當時後繼內閣之首相人選，頗爲困難，近衛文磨雖一度有組後繼內閣之說，終因有「打開現狀派」之嫌，不得元老重臣之諒解，於是廣田內閣竟於政局混沌旋渦中，突然出現。


然則廣田弘毅究屬於何派人物耶？吾人敢斷言其爲「現狀維持派」者，惟廣田洞悉大政變後之日本國情，異常艱難，彼爲應付環境計，不得不高揭「庶政一新」之冲天招牌。然一國社會經濟各種組織，一旦改革，談何容易，廣田深悉此中困苦，毅然決然，採漸進改革之步驟，以圖滿足有力份子之主張，否則，廣田內閣之壽命，斷難長久也。

今日之日本當政者，既爲廣田，然則其爲人如何？殊值吾人注意也。查廣田生於日本明治十一年二月，爲日本福岡縣福岡市鍛冶町廣田德平氏之長男，彼幼時名廣田丈太郎，於明治三十八年卒業於日本東京帝大法科政治系，明治三十九年，應試外交官及格後，屢任日本駐外使館之書記官等職，因辦理外交事務稱職，爲日本歷代外務大臣所重視，歷任外務省情報次長，歐美局長等重要職務，曾出使和蘭及蘇俄各國，乃日本今日惟一之「蘇俄通」也。

昭和八年（民國二十二年）岡田內閣時期，任外務大臣，及昭和十一年（民國二十五年）三月，拜受大命，親任日本總理大臣。由是可知廣田乃一外交家，故其政治主張，對內對外，均能兼顧，且善於作政治上宣傳，平時酷好讀書，幾每日手不釋卷，雖於閑散無事時，恆以書報爲消遣，尤其廣田雖爲一介書生，其胆量實過常人，胆大心細；廣田當之無愧！

察今日之日本內外實情，以擅長外交之廣田而任首相，確爲日本前途慶得其人，惜乎廣田內閣前途如何，若以今之日本政情而論，能否滿足「打開現狀派」之慾望，實難遽下斷言。尤以日本各省國策之多，幾如雨後春筍，且軍費之膨脹，行政改革之難關，明年度三十餘億之大預算案，更有財政上種種障礙，吾人據此而測，其內閣壽命短促與悠久，誠難預卜者也。





中華民國二十五年十月十日印刷
中華民國二十五年十月二十日發行

編譯者 楊劍青

發行者 楊劍青

印刷者 冀察政務委員會印刷所

定價國幣陸角

#7.5

419255